

嘉慶新修江寧府志

新修江寧府志卷之十一

風俗物產

江寧地大物博前人云建康風俗者多矣今具存其說而古今或不必盡合也物產盛衰與風俗之侈儉有相因者今附載於後用備食貨之記云爾志風俗物產

江東婦女略無交游婚姻之家或十數年間未相識者惟以信命贈遺致殷勤而已

顏氏家訓

南方水土柔和其音清舉而切天下之能言唯金陵與洛下耳

全上

丹陽舊京所在人物繁盛小人率多商販君子資於官

祿市塵列肆埒於二京人雜五方俗頗相類

隋志

江寧古揚州地永嘉之後衣冠萃止藝文儒術斯之爲甚今雖閭閻賤隸處力役之際吟詠不輟蓋因顏謝徐庾之風焉

杜佑通典

君子勤禮而恭謹小人盡力而耕殖性好文學音辭清

舉 祥符圖經

金陵六朝之故國也有孫仲謀宋武帝之遺烈故其俗毅且英有王茂洪謝安石之餘風故其士清以邁有鍾

山石城之形勝長江秦淮之天險故地大而才傑

楊萬里語

每愛金陵土風質厚尙氣前年攝行倅事日受訴牒不

過百餘較劇郡纔十一耳爲吏爲兵者頗知自愛少健
狡之風工商負販亦罕間巧僞

游九言語

風流文物冠映古今

汪藻語

建業自六代爲都邑民物浩繁人材輩出實士林之淵

藪

楊演語

金陵山川渾深土壤平厚在宋建炎中城境爲墟來居
者多汴洛力能遠遷巨族仕家視東晉至此又爲一變
歲時禮節飲食市井負街謳歌尙傳京城故事地當淮
浙之衝談者謂有浙之華而不撓淮之淳而不俚斯得
之矣

戚氏志

吾鄉大都也生人之性亢朗沖融重義而薄利風俗之美喜文藝而厭凡鄙得天地之靈懿焉其傲也乃或樂虛滛習侈豫無麻衣蟋蟀之風恐士緣以喪節也

顧璘語

金陵六代舊都文獻之淵藪也以故寰宇推爲奧區士林重其清議及夫餘風細故昔稱游麗辯論彈射臧否剖析毫釐摩肌分理者至今猶然

焦竑語

南都一城之內民生其間風尚頓異自大中橋而東歷正陽朝陽二門迤北至太平門復折而南至元津百川二橋大內百司庶府之所蟠亘也其人文客豐而主賚達官健吏日夜馳騫於其間廣參其氣故其小人多趨

尅傲僻自大中橋而西由淮清橋達於三山街斗門橋
以西至三山門又北自倉巷至冶城轉而東至內橋中
正街而止京兆赤縣之所彈壓也百貨聚焉其物力容
多而主少帝魁駟僧千百嘈啐其間故其小人多攫攘
而浮競自東水關西達武定橋復東折而到江寧縣至
三坊巷貢院世胃宦族之所居都也其人文之在主者
多其物力之在外者侈游士豪客競裘車之風而六代
之油檀裘屐浸淫染於閭閻膏唇耀首倣而效之至武
定橋之東西嗜甚矣故其小人多嬉靡而淫情由筮橋
而北自冶城轉北門橋鼓樓以東包成賢街而南至西

華門而止是武弁中涓之所羣萃太學生徒之所州處也其文人主客頗相埒而物力嗇可以娛樂羶慕之者必徙而圖南非是則株守其處故其小人多拘狃而劬瘠北出鼓樓達三牌樓絡金川儀鳳定淮三門而南至石城其地多曠土其文人主與客並少物力之在外者嗇民十三而軍十七服食之供糲與粗者倍蓰於梁肉紈綺言貌樸僿城南人常舉以相唶哂故其人多悴飢而蹇陋

客坐贅語

上元在鄉地在城之北與東南北濱江東接句容溧水其田地多近江與山燒脊居其半其民多苦瘁健訟而

負氣江寧在鄉地在城之南與西南濱江西南鄰太平
田地多膏腴近郊之民醇謹易使其在山南橫山銅井
而外稍不如而殷實者在在有之 全上

江寧婚姻亦備六禮差與古異古婚禮以不親迎爲譏
今則婚之親迎者絕少唯姑自往迎之女家稍款以茶
果婦登輿則女之母隨送至婿家舅姑設宴款女之母
富貴家歌吹徹夜至天明始歸婿隨往謝婦之父母亦
款以酒而婦之廟見與見舅姑多在三日按家禮婦於
第三日廟見見舅姑第四日婿乃往謁婦之父母蓋謂
婦未廟見與見舅姑而婿無先見女父母之禮也此禮

宜復但俗沿已久四日往謝衆論駭然議於第二日晨
起子率婦先廟見拜父母舅姑而後壻往婦家拜其父
母庶幾得禮俗之中矣 全上

金陵人家行聘禮行納聘禮其笄盒中用柏枝及絲線
絡菓作長串或翦綵作鴛鴦又或以糖澆成之又用膠
漆丁香粘合綵絨結束或用萬年青草吉祥草相詡爲
吉慶之兆攷通志婚禮後漢之俗聘禮三十物以元纁
羊雁清酒白酒粳米粳米蒲葦卷柏嘉禾長命縷膠漆
五色絲合驩鈴九子墨金錢祿得香草鳳凰舍利獸鴛
鴦受福獸魚鹿鴉九子婦陽燧鑽凡二十八物又有丹

爲五色之榮青爲東方之始共三十物皆有俗儀不足
書按此則今俗相沿之儀物固有所自來矣 全上

近代喪禮中有二事循俗而與古反者沿流旣久遽難
變之其一曰服古人遇死喪凡應服某服者或內親或
外親人自製其所應服之服哭之交友亦不以元冠色
衣弔蓋哀感在心故必變服以臨之耳乃今自同宗外
凡應服者必喪家送布始製而服之不送卽應服而元
其冠色其衣者有矣甚且喪家力不能送其以詬厲加
之而大家復有破孝送帛之事破孝毋論何人但入弔
者卽贈以布或絹有生平不一識面聞名爲布而弔者

矣不知變服志哀乃衷之族心既不哀服於何有且送而不服尤屬無謂至送帛則本不爲服直以幣帛將孝子之敬爲酬酢而已其一曰奠始死而有奠記所謂餘闕者也成服後諸祭皆主人自爲之其在姻友有賻禭賻已耳賻以錢帛禭以衣服賻以車馬皆以助殮與殯之事今則賻禭之禮間有行焉賻則江南絕未聞者乃代爲喪家致祭屠割羊豕崇飾菓蔬柜救餽餼寓錢楮幣之類闔塞於庭客乃爲酌酒致敬夫酌乃主人之事賓客乃代而行之知禮者謂宜於送孝上祭一切止之惟有服者人自製而服以示哀感變常之意其在賓客

第行賻糴以助之或貧者出力以佐其事祭悉輟而不舉庶使喪主人不苦於送布之紛紛而賓客亦不爲此無益之糜費是亦從禮儉儉之一端也

全上

喪禮之不講甚矣前輩士大夫如張憲副祥有期之喪猶著齊衰見客其後或有期功服者鮮衣盛飾無異平時世俗安之恬不爲怪間有守禮者恐矯俗招尤不敢行也昔晉人放曠禮法之外爲儒者所詬乃其時陳壽居喪使婢丸藥坐廢不仕謝安石期功不廢絲竹人猶非之視今日當何如哉余謂士大夫在官有公制固所不論至里居遭喪卽期功亦宜示稍與常異如非公務

謁有司不變服不赴筵會卽赴亦不聽聲樂不躬行賀
慶禮不先謁賓客庶古禮猶幾存什一於千百也 全上
軍中鼓吹在隋唐以前卽大臣非恩賜不敢用舊時吾
鄉凡有婚喪自宗勳縉紳外人家雖富厚無有用鼓吹
與教坊大樂者近日則不論貴賤一概溷用浸淫之久
體統蕩然恐亦不可不加裁抑以止流競也 全上

秣陵有昔人龍袖驕民之風浮惰者多劬勤者少懷土
者多出疆者少邇來則衣絲躡縞者多布服菲屨者少
以是羨粢而下百物皆仰給於貿居而諸凡出利之孔
拱手以授外土之客居以是生計日蹙生殖日枯而又

俗尚日奢婦女尤甚家纔僭石已著綺羅積未錙銖先營珠翠發跡未幾傾覆隨之比比是也國奢示儉可無異哉

全上

王丹邱先生著有建業風俗記一卷其事自冠婚喪祭以逮飲食衣服其人自鄉士大夫秀才以至於市井之猥賤匹不有紀大較慕古昔以前之龐厚而傷後之漸以澆薄也姑舉其數則如云昔年文人墨士雖不逮先輩亦稍涉獵聚會之間言辭彬彬可聽今或衣巾輩言談之際多雜亂不雅又云嘉靖中年以前猶循禮法見尊長多執年幼禮近來蕩然或與先輩抗衡甚至有遇

尊長乘騎不下者又云昔年市井極僻陋處多有豐厚
俊偉老者不惟忠厚樸實且禮貌言動可觀三四十年
來雖通衢亦少見矣又云昔年士大夫有號者十有四
五雖有號然多呼字後來束髮時卽有號末年奴僕與
隸俳優無不有之又云古昔以前富厚之家多謹禮法
居室不敢淫飲食不敢過後遂肆然無忌服飾器用宮
室車馬僭擬不可言又云前人房屋矮小廳堂多在後
面或有好事者畫以羅文木皆朴素渾堅不淫後來士
大夫家不必言至於百姓有三間客廳費千金者金碧
輝煌高聳過倍往往重檐獸脊如官衙然園囿僭擬公

侯下至勾闌之中亦多畫屋矣它多感慨之言不能具
載 全上

金陵之俗長於持論短於有爲勇於發端怯於臨事赴
義之君子少定力從亂之小人乏後勁故士林或引爲
笑談而長官恒樂其易治 松窗偶筆

金陵士風素以慕勢爲耻不工於夤緣鑽刺故巍科旣
鮮貴仕亦稀貧賤之交忽焉榮顯則望望然去昔人以
爲重廉耻不競榮進者或庶幾焉 全上

江寧縣明初填實率蘇杭右族習尚豪侈猶有六朝遺
風而上元近東北者敦厚朴實鮮以華靡相競然居鄉

者特獷悍不若江寧畏法易治此其不同者也

句容人秉性愿慤習尚禮義鄉鄰婚喪貧乏者互相周濟以地窄人稠自勤農之外列肆而居者若鱗次然其貿易於外者尤衆以故家多富饒而文物頗盛與舊志所稱相符然善自生殖析利至秋毫而豪右之族婚娶競以奢侈相尚視諸縣爲特異也

溧水縣有山林川澤之饒民勤耕稼魚稻果茹隨給粗足雖無千金之家而罕凍餒之民信巫鬼重淫祠畏法奉公各守其分安業重遷尤好文學承平時儒風藹然爲五邑之冠

溧水民勤而力稼土重而多介山林碩老樂於恬退有
童而野處華顛未識公署者而屢衣冠萃止而有樸素
之風里社春秋有祭會飲有誓

溧水樸茂視溧陽而囂健爲少減務本力農殷戶運米
穀營什一之利中貲之家業藥材於各州縣其餘大率
皆習末技

江浦縣居民習尙勤儉百餘年來定山諸公相繼而起
士風日盛民知畏法而強暴健訟者寡

江浦土曠民稀山圩各半農藉牛耕貧無畜牧者自爲
做戶傭貸富農公分籽粒鋤犁車水之具悉備濱江之

民多以船漁爲業

六合縣在大江之北東接揚州南近江寧其冠婚喪祭居處衣服飲食時序禮俗大都與二郡相出入其人士語言意思尤類省會向來鄉間頗稱質樸城內稍得文質之中今則漸趨於靡矣

高淳縣在府治之南民崇孝義重廉耻凡應童子試者宗祠給費優厚貧民不冝當舁輿之役居鄉士夫亦不肩輿可以見風氣之古樸矣

按以上皆昔人論江寧風俗之事其言或褒或貶所褒願其久而弗變所貶則願其變也自明爲甯都其

地冠蓋常多文學常盛而風俗亦以靡今之去明猶未遠也大抵婚喪皆逾禮侈費而喪爲尤甚其耗費施於無謂士未嘗不病之也而耻爲流俗無識人所謂而不能變苟縉紳先生矯於衆而先變焉則導庶民美禮俗之所賴矣

物產

江南農田皆藝稻麥二種而稻爲多江寧固亦然也稻

以南鄉產者爲美金牛洞之觀音秬其冠也其木之異

於他郡者則娑羅樹

幹直而多葉葉必七一
名七葉樹鳥不作巢蟲不蝕葉初夏作花花

挺出枝上長數寸莖葉青色一莖數十花色白結實如粟可治心痛今高座寺宏濟寺報恩寺各有一株傳係

六朝又宋書每紀木連理及芝草爲祥瑞而今江寧境之物
內木連理及芝皆頗易見亦其物性然也其草藥則鍾
山人葠古有稱焉今鍾山時有人葠色紅亦能補似黨
參其性稍熱茅山蒼朮有朱砂點者甲於天下茅山又
出黃精其果實則有姚坊門之姚棗攝山木瓜牛首銀
杏靈谷寺櫻桃孝陵衛西瓜後湖之菱藕其菜則有白
菜周彥倫所謂晚菘也瓢兒菜者亦菘之類而形小其
生遲於菘而美過之大頭菜芥屬其根甚巨鹽食之芹
韭茭菰萹之屬大抵佳於他郡矣其石則六合靈巖錦
石冶山浮石慈石赭石句容茅山出石墨又有異石如

玉其人工所爲則機工爲天下最江寧本不出絲皆買
絲於吳越而秦淮之水宜染織工在江寧殆千餘人所
織曰緞曰綢曰紗曰絹曰羅曰剪絨織造之官司其貢
篚商賈之載徧及天下江寧人又買毳毛於陝西而織
爲毯蜀之屬類西洋所製之緊密其貨貿亦遠摺疊扇
康熙間有製之最工者曰仰家扇今江寧猶傳其法高
淳製雁翎鶩翎扇以之人貢雕印書板海內資之粗者
多而精者亦不乏其餘百貨與列郡無甚殊者不足載
也

新修江寧府志卷之十二

建置

山川形勢千古不易建置則因時遷移江寧建置有全因乎古者有自今創構者要取設備利用而無乏缺之憂觀禮明制而無侈陋之過以時修之無使侵壞則守者之任也今列其類四曰城池曰

行宮曰官署曰雜建公所作建置志

城池

江寧府城明太祖洪武二年九月始建六年八月成其外城周九十六里門十三宋元舊城因楊吳所築跨秦

淮南北周迴二十里南近聚寶山明建都城其南門大
西水西三門因宋元之舊更其名曰聚寶石城三山自
舊東門處截濠爲城開拓八里增建南門二曰通濟曰
正陽城址極東北轉建東門一曰朝陽城址極北西轉
自鍾山之麓據岡建北門一曰太平又西復北轉緣後
湖之右復西轉八里建北門二曰神策曰金川城址西
北曲括獅子山於內雉堞東南相向建門二曰鍾阜儀
鳳自儀鳳迤邐而南建定淮清涼二門以接舊西門焉
而建宮城于其東隅其宮端門南當正陽門北門當鍾
山謂之內城

國朝因明外城爲江寧府城順治十六年海寇犯江寧吳
淞總兵梁化鳳開神策門攻賊殲之因改神策名得勝
門明季金川鍾阜儀鳳門塞

國初神策清涼門亦閉梁化鳳之攻賊也同時他將開儀
鳳門出故今二門仍開而金川鍾阜清涼仍塞其駐防
城略因明舊內城其西一面係順治十七年重造起太
平門東至通濟門東止長九百三十丈連女牆高二丈
五尺五寸其城外之河自正陽門西因楊吳所鑿淮流
遶城爲池西流北轉抱城至儀鳳門外流入江城之東
北倚山岡無城河而正北則後湖當其曲隈矣

城內上元縣倚北自內橋與江寧中分西至鐵窗橋東由四象橋至大通街以北皆上元界也

城內江寧縣倚南自內橋中分西至鐵窗橋東至大通街以南皆江寧界也而清涼山北儀鳳之南東包陶塢西界石頭又爲江寧所轄與其南城界不相屬蓋懸居上元界中矣緣宋元舊城止于北門橋城中兩縣固以南北分界也明太祖建城北廓十餘里江寧舊邨包入城中故與其南界不相屬也

城內洪武街在上元縣治北東南自浮橋西抵蓮花橋西華門大街在督院前東入駐防城西過

行宮爲土街又西至雙石鼓至羅漢寺轉灣南折又西達旱西門

中正街在上元縣治前東至大中橋西迄旱西門

水西門大街西過油市達水西門東出爲奇望街過淮清橋察院前街抵大中橋

貢院前街沿秦淮北西南交南城大街西爲篋街宋之竹街也又西盡下浮橋之北

鈔庫街東自東水關沿秦淮南交南城大街又西盡下浮橋之南以上皆東西街

內橋大街在上元縣治西南卽南唐御街南行爲府東

大街又南交三山街迄南門

評事街在上元縣治西南自笄橋出過果子行口又西南折過彩霞街抵秦淮岸而止

盧妃巷街在上元縣治西北抵土街口南抵內橋

北門橋街在上元治北南抵新街口北至唱經樓

高井大街在上元治西北南達下街口北抵北門橋

花牌樓街在上元治東北

行宮前南抵舊王府以上皆南北街

裕民坊

在盧妃巷西

善政坊

大中橋西舊名九曲坊

全節坊

在朝天宮西卞壺死

節英靈坊

在十廟西

善和坊

武定橋東

建安坊

鼎新橋北俗呼下街

以上在

上元

銀作坊

舊金陵坊在府治東

鐵作坊

在山街

顏料坊

江寧縣治西草鞋街東南

匠坊

今總名弓箭坊在三山街

銅作坊

在山街

瑄匠坊

在奇鞞街

轡坊

在江寧縣左九兒巷

以上在江寧

淳化鎮

上元縣東鳳城鄉宋淳化年置東達句容至丹陽

石步鎮

即古羅落橋在上元東北

長寧鄉

今土橋鎮

在上元東南丹陽鄉與句容界

靖安鎮

在上元縣北金陵鄉今觀

音門

湖熟鎮

在丹陽鄉與土橋連

以上在上元

江寧鎮

江寧縣西南六十里或謂之金陵鎮

秣陵鎮

東南五十里

大城港鎮

江寧

縣西南沙洲鄉通大江為要地有大勝關

以上在江寧

句容縣城隋陳以前不詳舊志云唐天祐八年縣令邵

全邁修築有東西南北白羊上羊六門宋淳祐六年張渠重築後廢明景泰間浦洪劉義建門樓宏治三年王僖砌以石嘉靖二十三年樊垣始築磚城周七里有五門萬歷三年移建南門于舊南門之左

國朝仍舊

常寧鎮

縣東南四十里有巡司稅務今廢

下蜀鎮

縣北六十里仁信鄉唐劉展襲下蜀卽此

土橋鎮

縣西二十里與上元界接

溧水縣城隋始築城周五里有奇宋紹定中知縣史彌鞏修之明初鄧鑑更築周七百餘丈有六門洪武間郭雲重建正德間陳銘甃以磚尋毀陳憲因址築土城嘉

靖初王從善拓東隅砌石橋以洩水十年水敗東南隅
張問行修十七年水復潰三十六年曾震造石城

國朝因之

官塘鎮

縣東二十五里白鹿鄉

蒲塘鎮

縣南二十五里贊賢鄉

孔家鎮

西南四十

五里仙壇鄉

蒲子鎮

縣北三十里歸政鄉

江浦縣城明洪武四年始築浦子口城設應天尉于城
內其地卽宋時六合縣之宣化鎮也九年析六合孝義
鄉和州遵教懷德仁豐白馬四鄉滁州豐城鄉置江浦
縣屬應天府治浦子口城內後遷治曠口山萬歷元年
始築土牆六百九十餘丈下甃以石三年增築重垣八

年知縣余乾貞築城

國朝仍舊其浦子口城今存以居游擊及巡檢司

烏江鎮

西南七十里本秦烏江亭晉始置縣六朝改邵隋復縣宋紹興中廢爲鎮

香泉鎮

西

三十里

高望鎮

西南二十里

六合縣城宋紹興二年就舊濠築城在滁水北有四門隆興中於城北又築一城二城俱砌以磚後又於滁南築土城元仍故明初滁南城廢成化時砌四門後每隅增一門治滁北萬歷元年築土堡圍縣治崇正九年流賊破六合中書舍人孫國救上城六合議蘇州巡撫張國維疏請於朝以蘇松四府節省銀並義助仍建城于

滁北周一千三百二十三丈二尺高二丈五尺北二門東二門西一門南一門其南街一帶皆商賈水陸出入處又開便易小門爲七門

國朝仍舊

長蘆鎮

縣南二十五里濱長蘆江今名水家灣

瓜步鎮

在瓜步山下

竹鎮

在治西北

五十里宋俱設巡檢稅務

高淳縣城在淳溪河上明嘉靖五年劉啟東築土城東北因岡阜西南藉淳溪爲濠登七門

國朝仍舊制

廣通鎮今名東壩

在縣東南五十里明洪武十三年建設石閘永樂初去閘改築土壩設官

系例... 卷之二
吏溧陽溧水各僉夫四十名守之並刊版榜禁走
洩水利淹沒蘇松田禾今壩官及溧陽夫俱革

行宮

江寧

行宮在江寧府治利濟巷大街向爲織造廨署

聖祖南巡時卽

駐蹕於此乾隆十六年大吏改建

行殿有綠靜榭聽瀑軒判春室鏡中亭塔影樓彩虹橋釣
魚臺諸勝內貯歷年奉

頒法物謹列於左

御製七言詩一軸

御題匾聯其六副以上乾隆十六年

三希堂法帖一部乾隆十八年

御製七言詩一軸乾隆二十二年

御製七言詩一軸

御題對聯一副

御製福字五幅以上乾隆二十七年

御製七言詩一軸

御書手卷一軸

御題對聯一副以上乾隆三十年

淳化閣法帖一部乾隆三十八年

皇朝禮器圖一部乾隆三十九年

御製七言詩一軸

西域戰勝圖一分

南巡盛典一部

御製對聯一副以上乾隆四十五年

墨刻蘭亭手卷一軸乾隆四十六年

御製七言詩共五軸

御製五七言詩章金漆橫披直條共九幅

墨刻蘭亭手卷一軸

金川得勝圖一分

御纂五經一部

墨刻心經圖塔一軸

墨刻佛一軸

紫檀嵌玉如意一枝

碧玉羅漢贊十六頁

慶詒清晏一部

錦攬江山一部

江浙迎

鑾恭紀二十冊

安南國陪臣黃仲政等詩賦四摺

江西學政恭頌一冊

紫檀書格兩對

紫檀邊瑤瑯掛屏一對

紫檀嵌玉插屏一對

御題金漆匾額對聯共十副

紫檀亮紗透繡書格一對以上乾隆四十九年

御製金陵詠古手卷一軸乾隆五十年

諧奇趣圖一分二十卷

御製詩章冊頁二匣以上乾隆五十二年

玉克朝元硯一方乾隆五十四年

月活內澄泥硯一方乾隆五十五年

臺灣戰圖一分乾隆五十八年

通志堂經解八十函乾隆五十九年

安南廓爾喀戰圖各一分

大利益札什瑪釋迦牟尼佛三尊

利益番造肆背般若佛母一尊

利益番金剛勇識菩薩一尊

銀八吉祥一分

銅鍍金嵌頗黎五供一分以上嘉慶六年

湖南戰圖一分

貴州戰圖一分以上嘉慶十一年

棲霞

行宮在江寧府治東北五十里棲霞山中峯之左與東峯相接秀石嵯峨茂林蒙密白鹿泉源出其中乾隆二十二年恭建

行宮倚山爲址旁有春雨山房太古堂武夷一曲精廬話山亭白下卷阿夕佳樓石梁精舍諸勝

行宮左右之玲峯池紫峯閣萬松山房天開巖幽居庵疊浪巖德雲庵珍珠泉彩虹明鏡諸處並恭設

行座凡貯歷年奉

頒法物並列於左

御製五七言詩章共十六軸

御製四言佛龕贊一軸

御題匾聯共十六副

御書福字九幅

水月觀音畫一軸

魚鳥圖一軸

梅花扇一柄以上乾隆二十二年

御製五七言詩章共十五軸

御題匾聯共十六副以上乾隆二十七年

御製五七言詩章共十軸

御題匾聯共四副

御製和沈德潛詩手卷一軸以上乾隆三十年

淳化閣法帖一部乾隆三十八年

皇朝禮器圖一部乾隆三十九年

古今圖書集成一部乾隆四十二年

御製五七言詩章共五軸

御題匾聯共五副

石刻太古二字一幅

墨刻心經塔圖一軸

墨刻金剛經塔圖一軸

西域戰勝圖一分

南巡盛典一部

董誥山水一軸以上乾隆四十五年

墨刻蘭亭手卷一軸乾隆四十六年

御製五七言詩金漆橫披直條共十一幅

御製匾聯共三副

玉三鑲紫檀如意一枝

墨刻蘭亭手卷一分

十景詩冊二盒

棲霞十景青玉詩屏一對

金川得勝圖一分

紅雕漆方盒二對

紅雕漆圓盒二對

紅雕漆文具二對

胡桂墨筆山水一軸

董誥山茶畫一軸以上乾隆四十九年

諧奇趣圖一分二十卷乾隆五十二年

玉兔朝元硯一方乾隆五十四年

月活內澄泥硯一方乾隆五十五年

臺灣戰圖一分乾隆五十八年

安南廓爾喀戰圖各一分嘉慶六年

湖南戰圖一分

貴州戰圖一分以上嘉慶十一年

龍潭

行宮在句容縣西北八十里背倚大江京口金陵適中之

地

聖祖仁皇帝暨

高宗純皇帝南巡皆

駐蹕於此內貯歷年奉

頒法物謹列於左

御題匾聯共四副

三希堂淳化閣帖一部

御書福字六幅以上乾隆十六年

御製七言詩金漆直條一幅

御題金漆對聯一副

墨刻蘭亭一分以上乾隆四十五年

御製七言詩一軸

玉三鑲如意二枝

文竹如意二枝

平定金川回部圖二部以上乾隆四十九年

諧奇趣圖一分二十卷乾隆五十三年

玉兔朝元硯一方

月活內澄泥硯一方乾隆五十四年

臺灣戰圖一分乾隆五十九年

安南廓爾喀等戰圖各一分嘉慶六年

湖南貴州戰圖各一分嘉慶十一年

朝天宮在江寧府治西二里恭設

行座三間在宮西

欽頒法物謹列於左

御製五言詩一軸

御題匾額一幅以上乾隆二十二年

御題匾額一幅乾隆二十七年

雞鳴寺在江寧府治西北七里恭設

行座三間在寺之東

欽頒法物謹列於左

御題匾額一幅

御題對聯一幅以上乾隆十六年

御製五言詩一軸乾隆二十二年

御製七言詩二軸乾隆二十七年

御製七言詩一軸乾隆三十年

御製五言詩金漆直條一幅乾隆四十五年

御製七言詩金漆直條一幅

墨刻娑羅樹一軸以上乾隆四十九年

清涼寺在江寧府治東北六里恭設
行座二處一在寺內一在翠微亭之西

欽頒法物謹列於左

御題匾額二幅

御題對聯一副以上乾隆十六年

御製七言詩金漆直條一幅乾隆四十五年

御製五言詩金漆直條一幅

墨刻娑羅樹一軸

佛說無量壽經一分以上乾隆四十九年

白傘蓋儀軌經一分乾隆五十年

小教場在江寧府治西北七里覆舟山下恭設
行座

欽頒法物謹列於左

御書福字二幅乾隆 年

報恩寺在江寧府治聚寶門外恭設

行庭歷奉

欽頒法物謹列於左

御製五言詩二軸

御題匾聯十一副

心經塔圖一軸

金剛經塔圖三軸

藏佛一尊

牙塔一座

御書福字一幅

法華經一部

古梅花畫一軸

古佛像一軸

墨刻淳化閣帖一部以上乾隆 年

墨刻羅漢十六軸乾隆四十一年

御製五言詩一軸

墨刻蘭亭圖帖手卷一軸

墨刻佛說無量壽經一部

玉三鑲如意一枝以上乾隆四十九年

白傘蓋儀軌經五分乾隆五十年

雨花臺在江寧府治南聚寶門外恭

行座歷奉

欽頒法物謹列於左

御製五言詩一軸乾隆二十二年

御製七言詩二軸乾隆三十一年

御製七言詩一軸乾隆三十八年

靈谷寺在江寧府治東鍾山東南恭設

行座歷奉

欽頒法物謹列於左

御題匾額一幅

御書福字一幅

華嚴經一軸以上乾隆十六年

御題匾額一幅乾隆二十二年

墨刻梅花一軸乾隆三十三年

淳化閣法帖一部乾隆三十八年

玉三鑲如意一枝

墨刻娑羅樹一軸

佛說無量壽經一分以上乾隆四十九年

後湖在江寧府治東北太平門外恭設

行座

嘉善寺在江寧府治北得勝門外恭設

行座

北極閣在江寧府治西北八里恭設

行座

牛首山宏覺寺在江寧府城南三十里恭設

行座

御題匾額一副乾隆十六年

祖堂山幽棲寺在江寧府城南四十里恭設

行座

御題匾額一幅乾隆十六年

慈蔭寺在江寧府城西南五十里恭設

行座

御題匾額一幅

御題對聯一副以上乾隆十六年

棲霞寺在江寧府城東北五十里歷奉

欽頒法物謹列於左

墨刻梅花一軸乾隆三十三年

墨刻羅漢十六軸乾隆四十一年

御製七言詩章金漆橫披五幅乾隆四十五年

玉三讓如意一枝

佛說無量壽經一分

墨刻娑羅樹一軸

墨刻佛像一軸以上乾隆四十九年

白傘蓋儀軌經一分乾隆五十年

永濟寺在江寧府城東北四十五里恭設

行座歷奉

欽頒法物謹列於左

御製五七言詩二軸

御題匾額三幅

御題對聯一副以上乾隆十六年

御題匾額一幅

御書福字二幅以上乾隆二十二年

御製七言詩一幅乾隆二十七年

御製七言詩一軸乾隆三十年

御製七言詩金漆直條一幅乾隆五十四年

御製五言詩金漆直條一幅

墨刻娑羅樹一軸以上乾隆二十九年

燕子磯在江寧府城北四十五里恭設

行宮歷奉

欽頒法物謹列於左

御題匾額一幅乾隆十六年

御題匾額一幅乾隆二十二年

御製七言詩一軸乾隆三十年

御製五言詩金漆橫披一幅乾隆四十五年

御製七言詩金漆橫披一幅乾隆四十九年

寶華山在句容縣北恭設

行座在慧居寺內之東歷奉

欽頒法物謹列於左

御製五言詩一軸

御題匾聯共四副

墨刻金剛經塔圖一軸

墨刻心經塔圖一軸

墨刻觀音大士像一軸以上乾隆十六年

三希堂石渠法帖全部乾隆十八年

御製五言詩一軸

墨刻觀音大士像一軸

御書福字一幅以上乾隆二十三年

御製五言詩一軸

御書南無阿彌陀佛六字

御書石刻法華經一部以上乾隆二十七年

御製五言詩一幅

墨刻黃龍佛像一軸

御書福字一幅以上乾隆三十年

石刻梅花一軸乾隆三十三年

華嚴字母攷證一卷乾隆三十四年

翻釋名義集正訛一部乾隆三十六年

石刻淳化閣法帖一部乾隆三十八年

欽定同文韻統八卷

滿漢蒙古西番合璧大藏全咒一部以上乾隆三十九年

石刻羅漢十六軸

維摩所說大乘經三卷以上乾隆四十一年

救護日食經一卷乾隆四十三年

御製五言詩一軸

墨刻娑羅樹一軸

墨刻蘭亭帖一分

佛說無量壽經一函

如意二柄以上乾隆四十九年

官署

府署明初自集慶路徙古大軍庫西錦繡坊地在內橋西南其制大門之內爲儀門儀門內爲涖事堂 廣積庫在堂左 冊庫在後堂右 獄在府署大門外 公衙署在駐防城內

總督部院署在府東北沐府東門

將軍署在駐防城內 左翼副都統署在駐防城內將

軍署東南

江寧織造署舊在府城東北督院署前乾隆十六年以

改建

行宮時藩司兼管織造故無署乾隆三十三年織造舒

買淮清橋東北民房改建織造衙署

江寧布政司署在府治南舊大功坊內

卽安徽布政司舊署乾隆二十

五年奉文移安藩署駐安慶府城內

庫在司署內 理問廳署在府城

淮清橋東管糧同知旁 日盈庫大使署在江安糧道

署後東首全福巷 倉大使署在府東馬路街

江安糧道署在府治南舊大功坊內布政司署東 道

庫在道署內 庫大使署在府東南貢院左

通省驛鹽道兼巡江寧道署在淮清橋大街

係按察司舊署雍正

八年移駐蘇州改爲鹽巡道署

江蘇學院署在府南武定橋旁

安徽學院署在府西北王府巷

察院在淮清橋東

舊巡按署今存爲公所

督理龍江西新關稅務署在府治上新河 龍江關宣

課司署在府西儀鳳門外 聚寶宣課司署在府南聚

寶門外橋西南 龍江關大使署在下關

理事同知署在府治東中正街

江防同知署在府署儀門外西夾道內

管糧同知署在府東淮清橋

南捕通判署在府署西板巷口

係驛傳道舊署

北捕通判署在府北土街口卽蘆政公署 府經廳署

照磨署俱在府署儀門外西夾道 檢校署在府治

前卽司獄舊署

按檢校署向在府署西乾隆三十四年因兼司獄遂移今署

江東

巡檢署在西新關外 江淮司巡檢署在江浦縣浦口

久裁今復設隸府 秣陵鎮巡檢署在城東南六十里

秣陵關通溧水高淳 批驗茶引所大使署在大中橋

西南

儒學教授署 訓導署俱在府學內雍正十三年增建

督標中營副將署在府東蘆政牌樓左 都司署在府

東

行宮西

督標左營遊擊署在府東北科巷 守備署亦在科巷

城守左營副將署在府東西華門大街 都司署在

府東北石板橋大街 守備署在府東北大陽溝五老

橋 城守右營守備署在府東北捕通判署旁

江淮衛守備署在北門橋

興武衛守備署在蓮花橋西

城守把總署在聚寶門外

俸給倉在府治後 復成倉在復成橋 常平倉在上

浮橋西岸 虎賁倉在府西朝天宮後

上元縣知縣署在府治東北昇平橋西宋建炎間建

縣丞署在縣廳左掖卽宋主簿衙正廳明道先生均簡

堂故址也康熙四年縣丞戴正宸卽廳後爲宅

典史署在縣廳右

庫在縣二堂旁 獄在縣儀門內西

淳化鎮巡檢署在縣東三十五里

儒學教諭署 訓導署俱在學宮內

預備倉在馴象門賽工橋俗名上倉明初建

國朝康熙間知縣唐開陶增修

監穀倉在縣署內

江寧縣知縣署在府治南明洪武初建

縣丞署在聚寶門外兵馬司岡

典史署在縣廳西

庫在縣二堂旁 獄在縣儀門內東

儒學教諭署 訓導署俱在縣學

存畱倉在城南安德門外俗名老人倉

預備倉在賽工橋南明天啟四年義民董志聰捐建

常平倉在縣署儀門外右首雍正五年知縣孔毓珠倡
建

句容縣知縣署在城中四牌樓北唐天祐六年建

縣丞署在縣廳東

典史署在廳西

庫在縣堂後左右各一所 獄在縣儀門外

龍潭司巡檢署在盤龍山北

預備倉在縣治西明知縣韓鼎建縣丞劉義知縣李澄

王僖增修

官鹽倉在縣北河口鎮

東西南北四倉在茅山瑯琊上容移風四鄉明初知縣朱彤建知縣茅一桂增建

社倉共一十七處

常平倉在縣西城內

歲積倉舊在下蜀明巡撫周忱移建龍潭鎮知縣洪浦縣丞劉義知縣張蕙徐廣王僖主簿薛仁典史梁澤徐九思相繼增修

新建常平倉東倉俱在縣署東雍正九年建

儒學教諭署 訓導署俱在學宮內明府丞陳宜修
溧水縣知縣署在城內順治十一年知縣閔派魯建
典史署在縣廳東乾隆四十一年典史張發重修

庫在署川堂右 獄在縣儀門內

俸給倉在縣廳右 先斯庫在典史署右 糧倉在橫
藍埠卽惠民倉址順治間知縣安應晬建知縣閔派魯
重建 預立三倉舊在縣文明門後移建署內一在儀
門東一在儀門西一在署前 便民新倉舊名永豐在
高淳水陽鎮明知縣賀一桂移建縣西南三十里梅家

渡

國朝順治間閔派魯重修

儒學教諭署 訓導署俱在學宮內

城守營署在大門內

係安公祠借

府公館在縣治通濟街北

陶莊公館在縣治北了髻山之東乃溧陽句容孔道

江浦縣知縣署在城內明洪武二十四年知縣仇存仁

建景泰中知縣羅信修

典史署在縣廳西 阜財庫在縣川堂右 架閣庫在

川堂左 獄在儀門西

常平倉在預備倉左明巡按駱駿曾檄建 預備倉在

縣儀門左 常平新倉在縣堂側雍正九年建 起運
存留二倉俱在縣治東 社倉六一在縣儀門左一在
東葛城一在湯泉鎮一在石磧橋一在新殿廟一在浦
子口知縣余樞建

儒學教諭署 訓導署俱在學宮內明知縣張文韜建
後遷於東嶽廟址

國朝順治間教諭趙涑修康熙間訓導王聞晉重修

城守營署

浦口營都司署在浦口

浦口巡檢司署在浦口

新修江寧府志 卷之十二 建置

美

六合縣知縣署在城內明洪武元年知縣胡有源建
國朝乾隆四十六年知縣何廷鳳重建

典史署在縣廳西

銀庫在縣廳東 冊庫在縣廳西 架閣庫在縣儀門

外 獄在縣儀門外西

稅課局大使署在縣治前街西

瓜埠司巡檢署在東南二十五里瓜埠山

倉在稅課司西明萬廷理建後移旌善亭後 預備倉

有東南西北四倉明初建後併縣倉 常平倉在縣署

西康熙間魏世泰建 寶成倉在元正觀東雍正八年

知縣蘇作睿建

儒學教諭署 訓導署俱在學宮內

城守營署在縣城西

高淳縣知縣署明宏治五年始卽鎮爲縣治

典史署在縣廳西北 庫在縣署後堂右 獄在縣署

儀門外右

廣濟鎮巡檢署在縣東南四十里

預備倉在縣治東南明初建 石白里社倉在縣北二

十五里邑人韓叔陽建 常豐倉舊名永豐在水陽鎮

去縣三十里明知縣夏天動移建縣治西留輝門外

儒學教諭署在文廟東明知縣莊鐸建 訓導署在還

淳齋西

城守營署在縣治西街

府公館在縣治西北

雜置公所

同善堂在上元縣龍王廟西文昌閣內府學教授金襄
及紳士捐置以恤嫠婦者也嘉慶三年建九年立昌洲
業戶捐銀一千六百兩將新漲洲灘歸堂助恤每歲恤
嫠以四百四十口爲止又歲終散給貧民米票每口三
升皆歸同善堂經理

普濟堂在江寧縣三山門外明時建

育嬰堂舊在三山門外康熙間建雍正十二年奉

旨改建

二堂於聚寶門外之佟園總督趙鴻恩倡捐銀九千六

百兩有奇置田撥洲又歸併舊育嬰堂田房租以給衣糧等費乾隆二年添建殘廢老婦二堂共成四堂分別

收養五十五年總督孫士毅更易四堂章程不用董事

詳委經歷承辦五十九年四月署府呂燕昭因堂內殘

廢所人數衆多住屋僅止三十餘間不敷居住遂增建

號房並住房二十間以免夏月炎蒸疾病之苦落成紀

之以序云

新訂普育四堂規條序養老疾存幼孤仁政之大者也其要見於詩書其詳載於周禮以

及管子四時入國等篇蓋備言之矣金陵爲省會首郡
舊設普育四堂規模宏整經費浩繁實甲江左余曩承
乏茲土未嘗不慨焉與歎以爲贊聖朝之郵治體大
府之惠心固如此乎其燦然可觀也今年春二月忝攝
府篆府爲堂事總滙其責綦重視事後親往稽察而見
殘廢一所人浮於屋慮夫暑氣之薰蒸嘗厲之易作也
爰請增建俾得散布而居焉其他則舊章率由亦庶幾
井井其有條矣惟是堂中諸務昔則董事是司今則官
爲經理情形既殊規條不能以無異乃量加增刪刊
之以垂久遠是則余惓惓之意所樂得藉手以觀厥成
功者也雖然余更有說焉今夫利人濟物之事當其創
造伊始法無不頁意無不美也迨其繼而漸弛弊且因
緣以生有問其名則是而問其實則非者無他官事也
若夫一門之內父子夫婦則爲之醫藥死葬娶孤則爲
之衣飢則爲之食疾病則爲之樂不如是則以爲悲之
經紀而計其安全有如是則以爲樂不修而恒患乎官
者無他家事故人不患乎家事之不修而恒患乎官
事之不舉夫非事之有難易也抑情之有親疏行之有
實不實耳履斯堂者誠使視官事如家事而以實心行
實政則所以廣皇仁而宣憲德者俱於是乎在所

謂有治人斯有治法雖百世不敝可也
又何斤斤規條之足云哉呂燕昭撰

清節堂在江寧縣治南油坊巷嘉慶十一年義民蔡榮
僧鏡澄及江都職員丁淮等捐建以爲敬恤節婦貞女
立志苦守者收養入堂全其清節也

義塾八堂在江寧縣蕭公廟淨居菴等處嘉慶二年職
員楊載華監生萬甫廷等捐置延師教讀無力蒙童
集英義塾在江寧縣清節堂側僧鏡澄置

中州會館在江寧糯米巷歲久傾圮呂燕昭前任江南
通州時捐廉重修立碑紀其事

句容縣養濟院在縣治崇明寺旁乾隆十三年知縣孫

循徽重建

育嬰堂在縣治城隍廟左康熙四十七年知縣胡爲籀捐建乾隆十三年知縣孫循徽改建縣小南門尼庵雇養乳婦費頗不貲紳士黃普朱垣等復以從前平糶捐剩生息置田捐入堂內添濟養贍

江浦縣育嬰堂在城內大營雍正九年知縣捐置

六合縣普濟堂在東門內新安坊育嬰堂在澄清巷俱雍正二年建

高淳縣養濟院在縣治左育嬰堂在縣治後康熙間知縣劉澤嗣李斯佺捐修

上元縣義塚在鐘樓旁錦衣倉等處乾隆五十七年監生王度捐置

江寧縣義塚三區一在琉璃窰及回回營乾隆五十八年士民楊西友捐置一在三山門外東瓜廊及南門外丁字牆嘉慶元年職員楊載華等捐置一在上新河嘉慶九年民人胡德政王旭初捐置

清節堂義塚嘉慶十四年僧鏡澄捐置

句容縣五十六鄉各有義塚一區

溧水縣義阡明宏治八年符觀置在南西東三門外又有漏澤園在東門外

江浦縣義塚三區嘉慶十三年士民鄭天柱王彘如等
捐置